

Pueblo ta sigui reacciona riba tiramento di clapchi den bario

ORANJESTAD (AAN) Tur aña tin e mesun problema cu tiramento di clapchi den barionan riba nos isla y ta tur aña tin accidentnan cu tiramento di clapchi, sea chiquito of grandi, pero hecho ta cu na Aruba tin un problema serio cu clapchi cu ta worde bendi y mal uza.

Clapchi di potencia halto of grandi ta loke ta e problema

principal y ta forma e peligro mas grandi.

Pa basta tempo caba tin peticion for di pueblo pa limita e grandura di cierto tipo di clapchi manera batatanan y loke a pasa durante ultimo dianan unda batata a cay riba cas di hende y a causa destruccion grandi ta e muestra bibo con peligroso batatanan grandi por ta y nan ta tambe.



Batata ta peligroso.

Na hopi pais clapchi pisa a worde prohibi pa basta aña caba, pero na Aruba keto bay ta worde permiti pa clapchi pisa worde bendi y uza.

E discusion riba benta di clapchi peligroso no ta nada nobo y ta for di basta tempo caba medidanan mester a worde tuma pa evita desgracia y lamentablemente keto bay e medidanan drastico no a worde implementa.

Tur aña despues di aña nobo

e discusion riba benta y uso di batata ta den publicidad y asina tambe e siman aki hopi mama y tata di famia tabata haci peticion publico na gobierno pa prohibi e venta y uso di bata y otro tipo di clapchi peligroso.

Esnan cu ta pro pa e venta y uso di batatanan grandi ta trata di tur forma pa hustifica uso di tipo di clapchinan asina door di bisa cu esnan cu no sa con pa haci uso di batata como clapchi, pa nan no cumpra esaki, pero entre bisa y haci den practica di bida tin un diferencia asina grandi cu finalmente por resulta den desgracia y ehempelnan bibo tabata tin den abundancia caba.

Un di e sugerencianan cu redaccion a haya for di varios hende cu a experiencia uso di clapchi den exterior, ta pa laga den cada bario tur hende bin hunto riba un plaza, parkeerplaats na un centro di bario of club deportivo, pa durante tiro tur hende tira nan clapchi na un solo lugar

den bario.

Esaki por worde organiza bao di guia di expertonan apunta door di gobierno y asina por haci uso di batatanan grandi si ta deseable y tur cos ta bay bon controla y cu seguridad apropiada.

Na e mesun momento esnan den bario por topa otro pa bisa otro bon aña y e unidad den pueblo lo bira mas grandi y ta net esaki ta loke cu pueblo mester di dje.

No ta den un lucha nacional so union ta forsa pasobra union den harmonia di un pueblo ta crea un forsa positivo cu lo beneficia tur hende.

Un idea asina por yega te hasta asina leu cu den cada bario despues di tiro tur hende por uni y fiesta hunto.

Con exactamente gobierno lo bay haci cu e asunto di bendemento di clapchi no ta conoci ainda, pero algo mester worde haci prome cu un desgracia grandi tuma lugar.

Choller sunu den Convenience-Store

ORANJESTAD (AAN): Den oranan di marduga, Polis su presencia a worde solicita pa un homber kende a worde pone poni porta afor, anto blo sunu.

Segun e version policial suministra na DIARIO, ta indica cu ta trata di un Choller kende na Playa a drenta e establecimiento di Circle-K.

Unavez paden, e choller tabata zundra bay goal. Pues su comportacion tabata inacceptable.


Na un dado momento, cabez mester a cuminsa toca posiblemente ya su mente lo ta afecta pa tanto droga cu e ta usando. El a dicidi di kita tur paña y keda blo sunu den e negoshi.

Empleadonan no a vacila y a sake na mal orden for di e establecimiento. Un pusha tabata suficiente, pasobra el a

bolter dal abao ora el a worde saca cu forza bruto.

Polis na yegada a topa na suela, ainda e Choller blo sunu. E tabata benta pa su cuenta. Mesora polis a detene e sospechoso di inicialnan A.C. di 38 aña y a transporte pa Warda di Polis, unda el a worde cera.

NOS CULTURA COMPETITIVO!!



BEST DEAL

Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455

Nos tin Pluma y stenci pa Carnaval. Prijs mas barata cu tur caminda.